



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Vera Concilii Tridentini Historia**

Contra falsam Petri Suavis Polani narrationem

**Pallavicino, Sforza**

**Antverpiae, 1670**

Capvt II. Congressus Tridenti de Iustificatione, ac Episcoporum mansione  
apud suas Sedes.

**urn:nbn:de:hbz:466:1-11642**

1546. superfluisse spei de concilianda Germania; nisi gladius distingetur, febri hecticā moriendum: Concilium vero armorum vi confirmatum, fortī brachio animoque constanti rem peracturum, cum ipsius Tribunal armatos quasi apparitores praealidum exercitum haberet, & suarum quasi executorem sanctionum Carolum Quintum.

## C A P V T I I.

*Congressus Tridenti de Iustificatione, ac Episcoporum mansione apud suas Sedes.*

**H**Æc Româ ad Concilij Præsides perscripta; qui neque mentis, neque corporis laboribus in eo promouendo parcerant. Suavis narrationem exorditur eorum, quæ post quintam Sessionem ibi sunt agitata, tot mendis refertam, perinde ac si studiasset à vero secedere. Dicit habitum fuisse Cœtum 18. Iunij proximè post Sessionem: sed reapse primus Cœtus 21. Iunij coactus

Ibi Legatorum iussu lectum à Massarello scriptum de Iustificante discutienda. Verum nihil ex scripto recitatum, sed Cerinus, cum primus Collega ex morbo non adesset, ea de re in congressu locutus.

Cæsarianos Præsules alienum animum ab ea tractatione præcessisse, cauifatos, Madruccij missione à Cæſare Romam facta, indicari aliquid grandioris moliminis, quod chartæ committendum non esset: sed cùm alij oppositum sentirent, dixisse Legatos, Prævia rerum examina, earum sanctiones non esse; adeoque non mihi conducibile videri, temporis compendium facere. Et tamen hac omnia merum somnium, in quo somnio ne partes quidem per se verae; cùm ibi disputatum amplius non fuerit, an dogmatum definitio continuanda.

In subsecuta Congregatione, proposito à Legatis mansioni articulo, Vasonensem dixisse, ea de re nihil agi posse, nullis sublatissimis priuilegiis, aliisque obstaculis, Episcoporum administracioni à Romana Curia obiectis; ac proinde Legatos adactos, ut linerent de his etiam agi. Nihil à vero non discrepat. Legati non in secundo, sed in priori congressu de hoc locuti: neque nudum mansionis negotium proposuere, sed aiebant, cùm ad eam Patres se paratos ostenderent, oportere potius mentem adiucere ad obices amouendos: adeoque notarent singuli, quæ in sua quisque Ecclesia experirentur; quamquam in difficultates res offensura esset, non quâ parte à Romano Pontifice; sed quâ à profanis Principibus pendebat.

\* Quæ narrabantur de rebus in Concilio diœcis aut generalibus, usque ad translatiōnem, extant præter alia monumenta in secunda parte Actorum Pauli Terrij; in qua sunt in somma Patrum sententiae, ac minora Theologorum, dicitur in Cœtibus publicis & priuatissimis.

1546.

ret. Ac tam longè absuit Vasonensis ab ea sententia , quam ab eo prolataram Suavis affirmat, ut potius in superioribus Cœtibus, quod narrauimus, affirmarit, experimento à se compertum, obstacula non certe ab Apostolica Sede, sed à profana potestate proficisci.

2. Sed ad veram rei narrationem accedamus: Ceruinus in hanc sententiam disserit: Iustificationis articulum, de quo tunc agendum erat, obscuriorem euasurum, quām iam sanctus de peccato Originali: etenim, cūm de hoc veteres Scholastici copiose disputassent, de illo per paucos egisse. Plurimum tamen ei lucis affusum à Catholicis scriptoribus, qui à vigesimo iam anno Lutheranorum errores redarguerant. Adiecit Polus, Caput hoc superiori aptè coniungi, ut cognitā per illud bonorum iacturā in primo Adamo factā, inde intelligerentur per hoc bona in secundo Adamo recuperata. Quōd res erat implicatiōr, eō frequentioribus precibus opus esse ad Diuinum lumen impetrandum: se Patres cohortari, vt libros vel aduersariorum perlegerent, non animo infenso, sed æquè in utrumque parato: neque dicerent, *Lutherus hoc scripsit, igitur falsum;* cūm hereticorum sit industria, falso fidem querere veris admixta: nūlī hac animi æquabilitate ij legerentur, sed pronis ad cuncta refellenda votis, veritas eam querendo amitteretur: cuius rei exemplum conspici in Alberto Pighio, qui in articulo de Originalia noxa, dum vniuersam Lutheranorum doctrinam rencere conabatur, propè in Pelagianorum errorem lapsus est.

3. His porro Paceccus addidit; Ad Iustificationem expendendam non modo antiquorum Scholasticorum deesse subsidia, sed etiā veterum Conciliorum: Tridentinum id primum emiti. Proinde videri sibi aliam h̄c rationem ineundam, quām in dogmate iam firmato: eam optimam fore, si Theologi per priuatos congressus rem enuclearent inter se, donec omnia capita ritè conferentur expensa, quæ postea ita digesta, coniunctim ad Patrum Cœtum proferrentur, quo perspecto omnium inter se connexu, posset de cunctis pariter ferri iudicium simul, ac Decretum confici maiori cum luce, minorique temporis impendio: alij interim, quibus negotium erat datum, quæ fuerant obseruata ad mansionem spectantia, simul colligerent. Præter h̄c dolere se dixit ex animo, vbi tam ardua negotia ampliorēm Patrum frequentiam flagitabant, non modò eos desiderari, quorum contumacia incusabatur; sed esse Patres, qui quotidie Tridentino discederent. Et quamquam ij abirent, Sessionis die posteā reuersuri, minimi se æstimare ipsorum interuentum in ea cæmeria, in qua voculam *placet,* proferrent. Quin mirum sibi videri, quo pa-

Vuu u 3

ao

1546.

Et nonnulli sententiam suam dicerent de iis, quæ prius accusarunt  
non perpenderant. Proinde mandandum, ne quis inde absque  
cultate recederet; quam ad decem seu quindecim dies concedere  
Legatis licet, ad longius tempus, non nisi Synodus daret.

Ad ea respondit Ceruinus, Legatos ne breuissimum quidem  
eundi tempus ulli indulxisse, cum id Veronensis Antistitis Advo-  
ci negassent, octo dierum absentiam postulant, quod solenni Corporis Christi supplicationi in sua Ecclesia propinqua intercesseret;  
Episcopos hanc veniam sibi ipsis arrogare: unde cogitarent Patres,  
quid statuendum. Vixum est, seruandam eam rationem quam Pra-  
fides proposuerant, ac nulli abire fas esse, sicuti Paceus adm-  
nuerat.

Habito non semel minorum Theologorum congreſſu com-  
Legatis, Patribus eò sponte adeuntibus, ut mos erat; rufus gene-  
ralis Cœtus conuocatus, in quo Montanus, ex morbo iam con-  
firmatus, dixit, auditis Theologorum placitis, posse rem in ma-  
Capita diuidi.

Primum, Quo pacto Iesu Christi merita ad eos applicentur, quod  
ipsius Fidem amplexantur; & quam illi postea gratiam mereantur.

Secundum, Quid agendum homini Christiano ad Diuinam  
gratiā custodiendam.

Tertium, Quid illi agendum, qui acceptam à Deo gratiam  
postmodum amiserint: & an vires ad eam recuperandam obtineant,  
quo modo: & in quo hæc gratiæ recuperatio primæ susceptionis  
similis aut dissimilis.

In hanc diuisionem assensum ab omnibus, excepto Pelargo In-  
uirensis Procuratore, cui non satis ea esse videbatur; sed agendum  
quoque de libero arbitrio: nam ut adultis gratia infundereatur, de  
quo tunc sermo erat, cum de infantibus in superiori Sessione plen-  
dictum fuisset, consensus noster exigebatur, qui ex arbitrii libertate  
prouenit.

Propositum insuper est, An post inferiorum Theologorum ex-  
amen construenda esset à delectis viris forma Decreti ad Patres re-  
ferenda, à quibus dispiceretur; an potius res ipsa iam à Theologis  
digesta, exponenda, nec nisi consultis anteā Patribus conforma-  
dum Decretum. Hoc posterius magis placuit, tum quod indeco-  
rum videretur dictari sententiam, antequam quid sentirent Iudices  
preferrent; tum, quod facilius est telæ texturam exordiri, quam iam  
contextam refarcire. Quare, quod serius minorique mutationis indi-  
gentiā perficeretur designatio, eò deinde præstantius confectum  
opus.

\* Ultimo Ju-  
niij.

HISTORIÆ  
CONCILII TRI-  
ENTINI LIB. 8.  
SIV



opus euaderet. Ad hæc consultum, an de singulis seorsim capitulo-  
bus ferendæ sententia, an simul de omnibus. Re ad Legatos reiccta,  
hi seorsim agendum de singulis censuere: quamvis enim id labo-  
riosius, exquisitus tamen futurum. Etenim ut in corporibus, iti-  
dem in disputationibus, quod res magis diuiditur, eò magis in lucem  
trahitur quod altius latitabat.

Tanti habeo equidem haud prætermittere, hæc etiam minutiora  
in deliberationem adducta: quoniam historia non est oblectamen-  
tum vitæ, sed palestra, & cuiusvis artis palestra; non tam pinaco-  
theca quædam est, speciosis ad voluptatem operibus exornata, quæm  
officina opportunis ad laborem instrumentis referta: cum præter-  
ea mentis oculis adspectabiliores sint tenues rerum causæ, quæm  
grandia causarum effecta.

7 Nondum ad eam usque diem quisquam ex Episcopis obstaculo-  
rum syllabum detulerat, quibus vetabantur suas apud sedes mane-  
re: vnde Montanus eos monuit, ut moram abrumperent. Turri-  
tanus proposuit, satius esse, certos Patres deputari, qui à singulis li-  
berius illa colligerent: & Vigerius auctor erat, eos pro Nationum  
numero feligidos. At Montanus, veritus ne id occasionem præ-  
beret ad peculiaria Patrum conuenticula, & ad agendum per Na-  
tionum, non per Capitum sententias, aduersus quæm fuerat consti-  
tutum, respondit: Legatos nolle Synodum indiuiduam in partes  
discindi. Si Nationis unius Antistites ipsis simul proponerent in-  
commoda, quæ suis in Regionibus experti fuerant, se libenter au-  
tes daturos: paratos etiam esse fidem suam silentio obstringere, ut  
ne Pontifici quidem ullius nomen aperirent. Quæ verba, ut ex li-  
berali moderatione prolata, ita cunctis, & Hispanis præsertim,  
plaudentibus excepta: cum id imperantibus accidat quod Plane-  
tis, inter quos qui potentia præcellit, ut Sol, cum eam exercet im-  
moderatè, molestissimus, cum eam temperat, gratissimus euadit.

## CAPVT